

萬有文庫

第二集七百種

王雲五主編

物理小識

(上)

方以智錄

商務印書館發行

物 理 小 識

(上)

方 以 智 錄

國 學 基 本 叢 書

53.042
119

0003165

序

每歎牝馬之貞。豚魚之信。繫辭觸類。何若是其精。涿壺象榆。蠅氏牡鞠之類。周禮載職。何若是其悉。歟。月令分候。治曆定律。蘭臺性命。手握天地。古聖人體道而備物。致用巨細一致者也。伏羲合俯仰遠近而通神明。類萬物。舜好問而好察。邇言謂之生知。殆生而知好學者乎。余見愚者大師。具一切智。中和統御。華嚴五地。其茶飯也。物理小識一書。原附通雅之末。蓋是大師三十年前居業遊學之餘。有聞隨錄。以待旁徵積考者也。先君子于秦淮盤桓。早服其淹洽。超人數等矣。老吸西江而乘雲以遊。又烏測其所至乎哉。通雅四十卷已行。而小識十二卷尙在子宣手。通雅以通稱。謂免古今之聚訟。而小識以紀物用。核其實際。誠案頭所不可少者。子宣獨于物理有深入處。醉心此書。因田伯位白素北所編而重抄之。余故捐俸爲倡。公諸斯世。天道律曆之符。山解五行之蘊。禮樂制作之矩。人間日用之宜。因物付物。得此條理。羣疑立決。享其不欺。豈不快哉。余既捐俸爲倡。公諸斯世矣。今重訂而梓之。以廣其傳。康熙甲辰。宛平于藻。題于廬陵署中之春音堂。

物理小識自序

盈天地間皆物也。人受其中以生。生寓于身。身寓于世。所見所用。無非事也。事一物也。聖人制器利用。以安其生。因表理以治其心。器固物也。心一物也。深而言性命。性命一物也。通觀天地。天地一物也。推而至子。不可知。轉以可知者攝之。以費知隱。重玄一實。是物物神神之深幾也。寂感之蘊。深究其所自來。是曰通幾。物有其故。實考究之。大而元會。小而草木蠹蠕。類其性情。徵其好惡。推其常變。是曰質測。質測卽藏通幾者也。有竟掃質測而冒舉通幾以顯其宥密之神者。其流遺物。誰是合外內。貫一多。而神明者乎。萬曆年間。遠西學入。詳于質測。而拙于言通幾。然智士推之。彼之質測。猶未備也。儒者守宰理而已。聖人通神明。類萬物。藏之于易。呼吸圖策。端幾至精。曆律醫占。皆可引觸。學者幾能研極之乎。智何人斯。敢曰通知。顧自小而好此。因虛舟師物理所。隨聞隨決。隨時錄之。以俟後日之會通云耳。且曰自娛。歲在昭陽。計治日至箕三浮山愚者記。

物理小識編錄緣起

宋贊寧禪師有物類志十卷。所稱識晝夜牛色者也。陶九成載東坡物類相感數百十條。得毋東坡閱贊寧而取其近用者乎。鄧潛谷先生作物性志。收函史上編。余曾祖廷尉公曰。此亦說卦極物之旨乎。王虛舟先生作物理所。崇禎辛未。老父爲梓之。自此每有所聞。分條別記。如山海經白澤圖。張華李石博物志。葛洪抱朴子本草采摭。所言或無徵。或試之不驗。此貴質測。徵其確然者耳。然不記之。則久不可識。必待其徵實而後彙之。則又何日可成乎。沈存中。嵇君道。范至能諸公。隨筆不倦。皆是意也。老父通雅殘稿。自京師攜歸。物理小識原附其後。老父庚寅苗中。寄回一簾。小子分而編之。生死鬼神。會于惟心。何用思議。則本約矣。象緯曆律。藥物同異。驗其實際。則甚難也。適以遠西爲鄰子。足以證明大禹周公之法。而更精求其故。積變以考之。士生今日。收千世之慧。而折中會決。又烏可不自幸乎。是用類成。附通雅後。亦可單行。知格物大人。以爲鹽醬。所不廢也。不肖男中通百拜書。

物理小識總論

野同錄曰。子夏之言生數。曾子之言幽明律以庸言不類鑿乎。要其理有不可誣者。子夏曰天一地二

十一主日數十故人十月而生八九月七十二偶以承奇奇主辰辰十有二辰主月主馬故五十二
月生七九六十三主斗主狗故三月而主六九五十四鹿故六月而生三豕故九月主星
十五故虎主音而生二十九八月而生四鳳主蟲故八月律化餘則各從其類矣魚卵生子陰而屬
于陽魚遊于水鳥飛于雲故冬雀入大水爲蛤也蠶食而不飲蟬飲而不食蚌不飲不食介鱗夏冬
蟄蛰吞者八竅而卵生咀嚼者九竅而胎生四足屬無羽翼戴角者無上齒無角者膏無前齒有羽者脂
無後齒從其類也書生者類父夜生者類母故至陰主牝至陽主牡孔子曰吾聞之老聃此命之性也又
曰商聞山書東西爲緯南北爲經山爲積德川爲積刑丘陵爲牡谿谷爲牝蜂蟻龜蛇與月盛虛是故食
水者善遊而能寒食土者無心而不息食木者多力而鳴戾食草者善走而愚食桑者有道之謂命形于一
勇敢而悍食穀者智慧而巧食氣者神明而壽此乾坤之美也孔子對魯哀公曰分于道之謂命必有終
之謂性化于陰陽象形而發之謂生上首地數盡之下謂死故命者生之方曰幽圓曰明明者吐
矣此性命之命也管子曰天之所生生化窮數盡之謂死故命者生之方曰幽圓曰明明者吐
氣者也故外景幽者含氣者也故內景火木外景金水內景吐氣者施舍氣者化是以陽施而陰化也陰
陽之氣各止其所則靜偏則風俱則雷交則電亂則霧和則雨陽氣勝則散爲雨露陰氣勝則凝爲霜雪
陽之專氣爲霍陰之專氣爲霞毛羽之虫陽氣之所生介鱗之虫陰氣之所生惟人爲傑受天地之中伏
以生也保與羽毛鱗介同東方之夷九種種有十類南蠻北狄西戎稱之亦三百六十而聖人爲之長伏
義讀俯仰遠近之書故其範圍如此氣行于天曰五運產于地曰五材七曜列星其精在天其散在地故
爲山爲川爲鱗羽毛介草木之物聲色臭味別其端幾黃帝論人亦以五五約之正謂獨性各別而公性
則一陰陽和平中道爲貴若生有所乎萌成有所乎歸誠無所逃于始終相反乎無端也邵子言變化感

應而歸之于道。暑寒晝夜交而天之變盡之矣。雨風露雷交而地之化盡之矣。日月星辰水火土石天地之體也。暑變物之性。寒變物之情。晝變物之形。夜變物之體。性情形體交而動植之感盡之矣。雨化物之飛。露化物之草。雷化物之木。走飛草木交而動植之應盡之矣。本一氣也。生則爲陽。成則爲陰。有一此有二。此有四。有三此有六。有六此有八。八者四而已。六者三而已。二者一而已。始天分地而萬物。而道不分。虛舟子曰：道無在無不在也。天有日月歲時。地有山川草木。人有五官八骸。其至虛者卽至實者也。天地一物也。心一物也。惟心能通天地萬物。知其原卽盡其性矣。董子曰：天地之間若虛而實。故性命之理必以象數爲徵。未形則無可言。一形則上道下器分而合者也。莊子言虛無。然歸于極物而止。則曰：以有形者象無形者而定矣。聖人與民折中日用。使之中節而已。其格致研極之精微。皆具于易。誰固達而知乎。襲言常理者。拘膠闢茸。千萬譏讓。不肯研幾。究爲生死鬼神。魴斷裔宇者。所刳而憊。徒跣躡耳。其造迷解閉。偏高釣奇。塞通爲術。而困人從之。嚼破黃葉。悟何道乎。兩末一往之說。時爲藥耳。空藥對治狗物之病。而妙藥更消執空之病。折中適得。事所當事。乃不爲逃雨所累。而遂贅守此樹前之核。不復學問。彭蒙田駢。是虛生浪死之人牛也。不爲生死所惑。并不爲超生死之談所惑。言動象占。見其物宜。俯仰遠近。極事通變。此學而不厭者。真絕學也。本末源流。知則善于統御。舍物則理亦無所得矣。又何格哉。病于言物者。好奇之士。好言耳目之所不及。附會其說。甚則構虛駭人。其拘謹者。斤斤耳目之前。外此則斷然不信。其蔽均也。宗一曰：學有專門。未可執此以廢彼也。人生而耳之目之。至乎常矣。卒而問之。有奇于此身者乎。有奇于天地間者乎。俛而九竅。言語老少。無不同者。無一同者。星辰何

以明雷風何以作。動何以飛走。植何以榮枯。噫。怪極矣。潛草曰。聖人官天地。府萬物。推曆律。定制度。興禮樂。以前民用。化至咸若。皆物理也。其常也。卽其變也。變未有極乎。變極自反乎。惟神而明之者知之。天道自東而西。星曆自西而東。地之陽氣自南而北。陰氣自北而南。人推移其中而變。有不變者存焉。不知差別之常變。而執常者。則周公之儀禮。有不可以治世。神農之本草。有依之足殺人者矣。鄧潛谷曰。區宇之內。土壤少殊。物生隨異。而況分華夷。限山海。其恢詭倣怪之變。胡可勝紀。古所無者。何知今非創產。今狎見者。烏知後之不變滅乎。宓山子曰。因地而變者。因時而變者。有之。其常有而名變者。則古今殊稱。無博學者會通之耳。天裂孛隕。息壤水關。氣形光聲。無逃質理。智每因邵蔡爲嚆矢。徵河洛之通符。借遠西爲郊子。申禹周之矩積。古人神明間出。不惜褊漏。而且言之。自護則不必言矣。常統常變。灼然不惑。治教之綱。明倫協藝。各安生理。隨分自盡。中和易簡。學者勿欺而已。通神明之德。類萬物之情。易簡知險阻。險阻皆易簡。易豈欺人者哉。或質測。或通幾。不相壞也。方中通曰。虛舟子者。王化卿先生諱宣。在先高祖明善所宗一者。吳觀我先生諱應賓。萬曆丙戌第五。其學宗一圓三。又號三一老人。卽老父之外祖也。野同者。先曾祖廷尉君靜公諱大鎮。中萬曆己丑。因天啓遭禍。篋得同人于野。自號野同。有錄數十卷。潛草者。先祖中丞潛夫公諱孔昭。中萬曆丙辰。五經皆有述。獨稿于易。以象數徵理。詳具時論。晚徑十五年。自號潛老夫。其隨筆稿曰。潛草。

石塘子曰。炎黃之所言。山海之所稱。豈無附會。要當存證。以推其理。不必拘拘其名與事也。子產知臺駘。黃熊。仲尼知玉羊萍實。玉羊見高似孫緯略。引韓詩外傳。與類羊事異。陳章知胡克折齒。知鵠唌中人。齊桓公得折齒三尺。陳章曰。此秦胡克齒也。桓公得

鳴鶴殺之。陳中有人長三寸三分。見陳章曰。名李子敖。見博物志。東方朔知騶牙畢方。藻廉怪哉。巨靈。騶牙即騶吾。畢方詳見鬼部。藻廉一見御覽。陳章以短人名李子敖。劉晏嬰知盤庚伊尹。盤庚長九尺餘。天下小上。伊尹大上。小下。赤色而髯。查言張仲師長尺二寸。此皆造名。晏嬰知盤庚伊尹。與公孫憺知游浮爲共工之軀。化爲朱熊三神俱見。夢中出汲冢璣語。今此與陳章二事並見御覽形體門。介盧知牛生犧。公治長知鳥言覆粟。管輅知雀言東鄰殺夫。張華知蛇化雉。洛鐘鳴。武庫火。海鳧毛。龍鮮。胡僧知昆明刮灰。荀勗知勞薪。苻朗知黑白肉。郭璞知驢鼠。大如水牛。齊徐之。才知瘡骨。見御覽諸葛恪知桑熟老龜。又知奚囊事異苑。雷煥知枯木照妖。續齊陸敬叔知彭侯。見神吳先主時。敬叔伐大樟。有血得物。樂藹知積油爲灰。見元杰公知蛇鶴二珠。知高安國鹽。知天竺國鏡。知扶桑繭絲。並見四唐玄宗知龍皮扇。江陵書生知息壤。伊祁玄解知龍虎玉。見廣記。唐德宗時。異人曰。邪律楚材知角端。凡此猶以僻異見奇。若至理在耳目目前。人不之察。往往而是也。先儒曰。陽交于陰而生。蹄角之類。剛交于柔而生。根莖之類。陰交于陽而生。羽翼之類。柔交于剛而生。枝幹之類。天地交錯。飛走草木互變。因偶明奇。且概舉耳。統奇偶者。大一也。而止顯奇偶二者。易舉二藏一。邵舉四藏五。其提小衍可知。草伏之獸。虎豹。毛如草之莖。羽棲之鳥。鷹鷂。羽如木之葉。飛之類。喜風而敏于飛上。走之類。喜土而利于走下。木者星之子。故果實象星。禽蟲之卵。果穀類也。穀之類多子。蟲之類亦然。蠶之類。今歲蛾而子。來歲則子而蠶。蕪菁之類。今歲根而苗。來歲則苗而實。鷹鷂之類。食生而鷄鳧之類。不專食生。虎豹之類。食生而貓犬之類。食生又食穀。走睫上接下。飛睫下接上。類使然也。鷄母之睫。上下齊合。木枝葉陰也。華實陽也。枝葉軟而莖榦堅。剛柔之等也。陸中之物。水

中必具。各有陰陽寒熱之性焉。大較陸爲陽中之陰。水爲陰中之陽。水之族陰爲主。陽次之。陸之類陽爲主。陰次之。陸多走。水多飛者。其交也。是故巨于陸者必細于水。巨于水者必細于陸。飛之走。雞鳧是也。走之飛。龍馬是也。在水而鱗鬣。飛之類也。龜獺走之類也。水之花。鹽硝是也。水之木。珊瑚是也。風類水類。小大相反。在水者不暝。在風者暝。故水族出水則死。風類入水則死。然則出入之者。龜蟹鵝鳧之類是也。動物自首生。植物自根生。自首生。命在首。自根生。命在根。有一日之物。有一月之物。有一時之物。有一歲之物。有十歲之物。至千百千萬歲皆有之。天地是已。天地亦物也。動者體橫。植者體縱。人宜橫而反縱者也。飛者有翅。走者有趾。人兩手翅也。兩足趾也。飛者食木。走者食草。人皆兼之。而又食飛走也。體必交而後生。故陽與剛交而生心肺。陽與柔交而生肝膽。柔與陰交而生腎膀胱。剛與柔交而生脾胃。天以氣爲質。以神爲神。地以質爲質。以氣爲神。人兼萬物而爲萬物之靈者。神也。禽獸之聲以其類。各得其一聲。而不能通。通之者人也。人可謂天地之所貴矣。而不自知。其所以貴。稍有聰明。欲捷取之。以自恣。莫肯一盡心焉。安望其通而知乎。上古聖人。備物致用。煉金揉木。取火耕土。建宮室。造衣服。分干支。明歲月。立書契。紀制度。使物各得其宜。而至化行焉。後世聖人。知民生之嗜慾日繁。乃明六經。重道德。以爲教。千萬世食其利而不能奉其教。奉其教而不能明其心。追惟上古。不知何所學問。而能物物如此。今日文教明備。而窮理見性之家。反不能詳一物者。言及古者。備物致用。物物而宜之之理。則又笑以爲迂闊無益。是可笑耳。

卑者自便。高者自尊。或舍物以言理。或托空以愚物。學術日裂。物習日變。弁髦禮樂。滅棄圖書。其有不壞其心者。但關與道合而已。偶得物理之一端。則委之于術數者流。安得聖人復起。非體天地之撰。類萬物之情。烏能知其故哉。易曰。神而明之。存乎其人。姑識其小者。以爲考究之士談藪。消閒云爾。不敢搆虛以罔也。方中通曰。石塘子者。萊州司理白安石先生諱瑜。得阮堅之先生之學。世居石塘。老父少從學者也。

藥性總論曰。天地生萬物者五氣。五氣定位。則五味生。氣者天也。溫熱者天之陽。寒涼者天之陰。陽則升。陰則降。味者地也。辛甘者地之陽。酸苦鹹者地之陰。陽則浮。陰則沈。其香臭腥腸。類與平淡澁滑毒。則附氣味以爲厚薄者也。氣堅則壯。故苦可養氣。脈爽則和。故鹹可養脈。骨收則強。故酸可養骨。筋散則不攣。故辛可養筋。肉緩則不壅。故甘可養肉。辛散也。其行之也橫。甘緩也。其行上。苦瀉也。其行下。酸收也。其行縮。鹹軟也。其行舒。故有使氣者。有使味者。有氣味俱使者。有先後使者。明者知其產。觀其色。得其氣味。而性可識也。不識其性。又安所講。君臣炮製乎。人身有上中下。藥身亦有上中下。應之。如當歸柴胡防風黃芩之類是也。有因其相畏而制伏使之者。如牛黃惡龍骨。而龍骨得牛黃更良。黃耆畏防風。而黃耆得防風其功愈大之類是也。有相反者。雌黃胡粉。畫家黠妬。甘草甘遂。術家用以動唇之類是也。沈括續談曰。仙靈脾。本草用葉。南人卻用根。赤箭。本草用根。今人反用苗。如此。未知性果同否。如古人遠志用根。則其苗謂之小草。澤漆之根。乃是大戟。馬兜鈴之根。乃是獨行。其主療各別不同。而言其根苗。蓋有不可通者。

如巴豆能通利。惟其殼能止之。甜瓜蒂能嘔吐。惟其肉能解之。坐拏能憐人。食其心則醒。棟根皮瀉人。枝皮則吐人。邕州所貢藍藥。卽藍蛇之首。能殺人。藍蛇之尾能解藥。鳥獸之肉皆補血。而其毛角鱗鬣皆能破血。鷹鷂食鳥獸之肉。雖筋骨皆化。而獨不能化毛。其類甚多。性理相反。而悉是一物者如此。乳石最忌參朮。而五石散用參朮。酸莫如醋。又益以根。二酸相濟。宜甚醋。而又甘。蟹與柿嘗食之。而二物相遇則嘔。如酒如漆。有受之者。有畏之者。素問曰。陽明在天。則花實戕氣。少陽在泉。則金石失理。如此之論。采掇者固未嘗恤也。繆希雍曰。藥以氣味性而差別焉。同一苦寒也。黃芩燥。天冬潤。蘆薈能消。黃蘗能補。黃連止瀉。大黃下通。柴胡苦寒而升。龍膽草苦寒而降。同一鹹也。澤瀉則瀉。茯苓則補。海藻昆布則消而軟堅。馬莖鹿茸則補而生齒。同一酸也。硫黃味酸而熱。空青味酸而寒。甘合辛而發散爲陽。甘合酸而收斂爲陰。參耆陽也。甘溫以除大熱。地黃五味陰也。甘酸以斂陰精。蛇性上竄而引藥。蟬蛻外脫而退翳。蟲飲血而用以治血。鼠善穿而用以治漏。因其性而用也。弩牙速產。杵糠下咽。因以使也。萍不沈水。可以勝溼。獨活不搖風。可以治風。因其勝也。麻木穀而治風。豆水穀而治水。氣相同則相求也。牛土畜。其乳可以止渴疾。豕水畜。其心可以鎮恍惚。氣相克則相制也。熊肉振羸。兔肝明視。以氣有餘而能補不足也。鯉之治水。驚之利水。氣相感以意相使也。蜜成於蜂。蜜溫而蜂寒。油生於麻。麻溫而油寒。同質而異性也。宓山愚者曰。自唐宋以天子力。收天下圖上者。令名醫史官編之。宜乎詳備。然萬曆中李瀕湖。本其父言聞之學。輒改。

正其十五六而後此。又有繆仲淳之簡。李士材之撫。甚矣物理差別之難窮也。粳米全甘而反著其苦。山查甘酸而或未之載。牽牛嚼之辛烈泄氣而止言其苦寒。粉霜再經火煨而謂之無毒。牡荊之見鬼。藜蘆之呼名。果其然乎。動稱延年輕身。殆豔稱之耳。因而歎曰。兩間皆藥也。皆物也。皆理也。陰陽氣味。生克制化。物無不具。而或以地異。或以時變。惟人亦然。或彼效而此忌。或先利而後害。然其差別。亦不出岐伯之五五二十五也。如此。亦易簡矣。偶隨所見。可以旁徵。故書之以俟後考。崇禎辛巳。浮山愚者方以智識。通曰。先曾祖廷尉野同公。命老父之名曰著圓。而神卦方以智。藏密同愚。變易不易。故老父別稱密山氏。浮山有此藏軒。故稱浮山愚者。此篇乃庚辰釋褐。曼寓所記者也。後又發明運氣經脈。脈理病症。藥性醫方。六種之常變。別具成書。此不及詳。

神鬼變化總論曰。于令升云。千歲之雉。入海爲蜃。百歲之雀。入海爲蛤。千歲龜鼈。能與人語。千歲之狐。起爲美女。千歲之蛇。斷而復續。百年之鼠。而能相卜。數之至也。春分癸變鳩。秋分變雉。時之化也。腐草爲螢。朽葦爲蜚。稻爲魚。麥爲蝶。無知化有知。而氣易也。鶴爲鸞。蜚爲蝦。不失其血氣。而形性變也。潛草曰。或因乎腐。或因乎溼。氣所蒸鬱。久而自變。異類之感。駁難之氣。嘗因緣觸。亦因心想。獸生人。人生獸。相交相化。不足矜駭。徐偃王出於銜卯。秦孝公漢靈帝晉愍帝時馬生人。竇武同產爲蛇。枹罕令嚴根奴產一龍一鵝一女。魯牛哀化虎。食兄。緜化黃能。如意化倉狗。宣蕪母與黃母皆化鼈。管公明曰。大蛇銜筆者老書佐。烏與燕鬪者老鈴下。是所稱五酉老則爲怪者也。歷陽紀元載客食龜而成龜瘕。陳留阮士瑀傷虺而雙。

虺成于鼻中。飲水疑蟲。遂成蟲病。畫馬疑神。忽然成馬。非觸非想。更何因耶。至于男化女。女化男。且兼二體。史嘗記之。藏經言。受胎有七種。扇提男根天生不滿者。半釋迦男。博叉兼男。女體。扇提羅諸種。皆淫氣偏氣所鍾也。生擊鬪半變。螺筋鼓角麥。盡之矣。有生必有死。而言之則畏。有明必有幽。而言之則怪。盧克生子以鬼。胡母班乞父于神。賈雍斷頭而能言。崔興宗以喉受飲食。再生之女。哭殉魏后。伏棺之婢。嫁人生子。人鬼之間。死生之變。何所而不有乎。蔣濟託死兒于士孫阿。羊祜取金環於李氏。劉聰聞死爲王而喜。韓擒虎知爲閻羅而自足。希夷有南菴之目。東坡有再來之徵。栽松寄宿于浣衣。圓觀三生卽圓澤。近代此類殊復比比。猶草枝木實。種之復萌。人能豁然無礙。自不爲死生所累。意有所之。則因之附託。亦其理也。爲妖爲孽。每有憑依。石可以言。木可以狀。心正氣定者。可以倘然于其間。蕭琛能徙憤王之神。黃周南卒勝呪語之鼠。嵇叔夜不與魍魎爭光。郭元振書久戍長征之句。公沙穆山中之夜呼。王忱郵亭之怨女。亦何嫌焉。阮瞻。劉蘭。蕭惠開。正自以氣盡而受弄于鬼物耳。以是知異苑錄異。搜神。稽神。諸書所載。本末不必確。而容有其理。以唯心識觀。皆影響矣。浮山愚者曰。心之所至。卽理之所至。擊鼓置枹。而鑿鑿然不已。況所以爲鼓者哉。信一在二中之理。一不壞。二亦不壞。則交輪之幾。一然俱然者也。孔子言知幽明之故。鬼神之情狀。而岐伯曰。道無鬼神。獨往獨來。蓋謂無入不自得。謂之不落禍福。鬼神無如我何。非曰無鬼神也。與民同患。卽是至密。以死治生。藥劑更靈。易言吉凶。範表嚮威。因二以濟。正以民之信理。不如其信利。

害也。學不悟此。說有說無皆惑。至誠之道。豈思慮之所可及哉。方中通曰。生死鬼神。疑城也。惟易以心神。非以此決外道有無。矯亂而指其故乎。其權在我。可不惑矣。此篇因前人之言而斷之。蓋老父蒼梧冰舍所書。寄回龍眠者也。

潛草曰。言義理。言經濟。言文章。言律曆。言性命。言物理。各各專科。然物理在一切中。而易以象數端幾格通之。卽性命生死鬼神。祇一大物理也。舍心無物。舍物無心。其冒耳。苟不明兩間實際。則物旣惑我。而析物掃物者。又惑我。何能不惡蹟動而彌綸條理耶。物格而隨物佑神。知至而以知還物。尙何言哉。又何不可就物言物哉。

浮山此藏軒物理小識目錄

卷首 序文 凡例 總論

卷之一 天類氣律 五行光聲 曆類

卷之二 風雷雨暘類 地類 占候類

卷之三 人身類

卷之四 醫藥類上醫約

卷之五 醫藥類下藥

卷之六 飲食類 衣服類

卷之七 金石類

卷之八 器用類

卷之九 草木類上

卷之十 草木類下 鳥獸類上

卷之十一 鳥獸類下

物理小識 目錄

卷之十二 鬼神方術類 異事類